

Berita Harian, 22 May 2002, Page 13
Tak kenal maka tak cinta

[Go back to article view](#)

[Print this article](#)

Tak kenal maka tak cinta

PERKHEMAHAN BAHASA 2002

OLEH

Ow YEONG WAI KIT

RAMAI mungkin akan hairan melihat saya, seorang pelajar bukan Melayu, meminati seni silat.

Tetapi itulah yang saya rasakan selepas menyertai bengkel silat di Perkhemahan Bahasa 2002 ke-15 di Pusat Bahasa Kementerian Pendidikan (MOE) di Bishan Street 14 selama dua hari pada 20 dan 21 April lalu.

Perkhemahan itu dikelola oleh Jabatan Bahasa Melayu, Pusat Bahasa MOE.

Seramai 113 pelajar menyertainya. Mereka adalah pelajar menengah dua hingga empat dari pelbagai sekolah dan mengikuti Program Bahasa Melayu Lanjutan dan Bahasa Melayu (Program Khas).

Berbalik tentang bengkel silat, ia merupakan aktiviti yang paling saya sukai di perkhemahan itu.

Sebenarnya saya tidak tahu sesuatu pun tentang silat, tetapi selepas mengikuti bengkel itu, saya sedar bahawa silat sangat menarik.

Saya sangat tertarik dengan gerakan asasnya.

Bengkel silat itu diajar oleh

seorang guru silat profesional.

Selain daripada itu, saya juga menikmati permainan tradisional Melayu seperti sepak raga.

Seperkara lagi yang saya suka ialah makanan yang disediakan sewaktu makan. Saya amat gemar masakan Melayu tradisional yang dihidangkan seperti epok-epok, gado-gado, nasi lemak dan sayur lodeh.

Saya juga seronok menyertai acara unggulan api dan barbeku serta kuiz bahasa.

Namun, yang sangat saya hargai ialah saya berpeluang berkenalan dengan para pelajar lain dari kedua-dua program dan meningkatkan penguasaan bahasa Melayu kami.

Nota: Penulis, 14 tahun, ialah
pelajar Bahasa Melayu
(Program Khas) di Raffles
Institution.